



NOBILISSIMO, CLARISSIMOQVE VIRO DOMINO D.  
**MICHAELI LE MASLE**  
 PROTONOTARIO APOSTOLICO, PRIORI AC  
 DOMINO DES ROCHES, PERRECY, BREZOLES, MONDIDIER, S. MARIE  
 IN CAMPIS, INSIGNIS ECCLESIE PARISIENSIS PRÆCENTORI ET CANONICO,  
 NEC-NON EMINENTISSIMO CARDINALI DVCI A SECRETIORIBVS &c.



*TSI* minime decet fructus quoque in fundo natos eiusdem fundi Domino dicare, cum illos nemo sibi prater ipsum vendicare possit, ad quem proprio quodam iure pertinent. Attamen quæ tua est humanitas (MECENAS AMPLISSIME) non gravatè feres, cum mihi nihil aliud suppetat quo tibi de immortalibus beneficiis quibus me totum deinxisti, gratias agam, me id ipsum fastidiare quod ceteris in more positum video, qui hac arte magnatum gratiam aucupari student. Tanti non erat, fateor, te à rerum maximarum procuratore auocare, neque id inquam in animum inducissim meum, nisi tuos imperus ad virtutem & honestarum rerum studia perspectos haberem, atque cerdò scirem te non alienum ducere ab eius personæ dignitate quam in Ecclesia & Republica sustines, hisce Iatricis exercitationibus interesse. Eoque libentius id facis, quod inter Insens Ecclesia Parisiensis illustres Collegas atque Medicorum ordinem saluberrimum cognatio quadam ætissima intercedat. Nondum enim memoriâ excidit illud tempus quo splendidissimus iste Canonorum cœtus huic Urbis Medicos dabat: toto, ut nunc, Orbe celeberrimos: Quo minus mirum videri debet, si tam singulari es erga literatos animo, non solum ut illos ames, sed etiam eorum consuetudine admodum delecteris. His rebus adductus spero tibi non iniucundam fore hanc de temperatis disputationem, quæ nonnihil tuâ interest, cum sis unus omnium animo & corpore temperatissimus, quemadmodum indicant illa morum tuorum æqualitas, summa constantia, & animi tranquillitas minime vulgari, cum firmissima corporis constitutione coniuncta.



# QVÆSTIO MEDICA

## QVOD LIBETARIIS DISPUTATIONIBVS MANE DISCVTIENDA

### IN SCHOLIS MEDICORVM, DIE IOVIS XXVII. IANVARII

#### M. LANCELOTO DE FRADES Doctore Medico, Moderatore.

*An ad formandum Heroem natura educatione præstantior?*

862



B heroicis parentibus, cum tardè generant, heroica numerosaque proles expectanda: si quidem ex fortibus nasci fortes consentaneum est: Cur non & multiplices? Spiritus genitor mole perexiguus, viribus summus, hominem audacissimæ naturæ opificium mirabile fecit: effingit confirmatis annorum serie procreationis organis, longèque remotis (si quæ sint) Hippocratici cuiusdam numinis industriâ, impedimentis. Qui suprà vulgus sapere & aliis præluere voluerit propria consulat ortus sui principia. Nascimur admodum dissimiles, nec singulis eadem est vis ingenii: ut quæ in plantis eiusdem speciei magna occurrit surculorum & seminum diversitas, ita in hominum genere latissimum est facultatis & seminis parentum in procreanda splendidiore vel obscuriore prole discrimen. In Heroe eminentissimè fulgent omnia quæ vniversus hic mundus suo sinu coërcet, adeo ut ipsius exemplar & epitome solus is verè dici possit.



VNDVS iste, quamvis propter varios mutationum fluctus quibus est semper iactatus, nunquam visus sit stare, tamen non tantum senii expers est habendus, sed & omnis alienæ mutationis, quæ potest ipsum labefactare. Singulæ illius partes immortalitatis cupidæ ab iis ipsis conservantur causis, quas corruptionis effectrices esse vulgus existimat. Quamquam verò omnia quæ cælum ambitu suo coërcet, perpetuâ vicissitudine subinde mutantur & quasi fato quodam nascuntur & occidunt, attamen idem rerum status floret; qui sub initia mundi exstitit. Et sanè quocumque oculis conijceris vigere in rebus omnibus vim eandem perspicies, quæ illis primum insita fuit, ut hodie non corporis moles imminuta, non hebetiores ingenij vires, nec vllæ belli pacisque artes minus excolantur. Imò virtus heroica in iis periculis lubeundis emicuit maximè, quibus hæc nostra ætas abundavit. Heroes sunt illustres quidam homines ita omnibus naturæ muneribus ornati & habiles, ut non nati, sed ab aliquo Deo facti esse videantur: valent mentis acie, felici memoriâ, iudicio acerrimo, cæterarum denique virtutum præstantiâ pene incredibili quæ illos supra naturæ humanæ fastigium evehit. Hi quancumque ad rem animum appellant, naturâ duce, siue honestis artibus & literarû studiis operam navent, siue quodam instinctu afflatuque divino belli studia sequantur, ita in omni genere excellunt ut nullam cuiquam mortalium gloriæ partem relinquunt: homines de cælo delapsos diceret. Cælestis splendor ac divina quædam majestas regnis ac reipublicæ accedit cum ad eorum gubernacula Heroes sedent: quorum singularis benevolentia commissos sibi populos regat, admirabilis prudentia leges stabiliat, generosa audacia rebellantium animos frangat. Virtus heroica, cæterarum dux & regina virtutum, quolibet in sexu locum habet: sed in viris, ob calidiora vitæ principia, magis splendet.



NIMVS in actionum suarum administratione corporis operâ vel præcipuâ vitæ, ut illarum præstantia omnis corporis temperiei tanquam organo, meritò referatur accepta. Illud natura est, seu prima illa vis per se nostri opifex & conservatrix, quæ à primæ statim origine ex elementorû & calor divini perfusione contracta est. Huius è varietate cum actiones multiplices, tum diversa penitus morum & animorum genera efflorescunt: ut præclare cum illis actum esse videatur qui singulari naturæ beneficio eximiam tēperiem sunt adepti; cuius vis est aciem mentis acutere vel obundare, omni hominû generi ad res quasque propensionē inferere. Vnde frustra quærere videtur Poëta num virtutē doctrina paret, naturæ donet: quandoquidem solida virtus nascitur potius quàm fingitur. Arti naturam imitari licet non superare: Moresque animi, humores & naturalem corporis constitutionem consequuntur.



NDOCTA licet natura appositè omnia perficit. Ea temperamentorû momento actiones omnes discriminat. Gaudent sanguinei: torpent pituitosi: melancholici animum demittunt & contrahunt: biliosi, quibus palma danda est, mentis vi & ingenij solertiâ præcellunt: quibus, dum rerum sublimium desiderio tenentur & noctes atque dies de laude cogitant, se se supra vulgus efferunt, & immortalitatem consequuntur. A bile enim spiritus procreantur celeritate incredibili, summa tenuitate, omni labe vacui; cum quâ si conspiret malleum utriusque parentis semen, spirituum & innati caloris vberitate maximâ perfusum, emergent homines egregiè indolis ac planè divinæ, in quos omnium oculi conijciuntur. Quid enim admirabilius quàm vni adhærere ceteris honestati, animum ex celsum habere, nunquam de gradu dimoveri, nulli perturbationi, nulli fortunæ succumbere, nihil habere publicâ salute antiquius. Quos aliorum humorum exercet imperium, educatione quidem politiores evadunt, Heroes nunquam.



ATIVAM principum partium in solem illisque insitam intemperiem ars nulla delere aut recedere valet. Quod à naturâ insitum est id nihilo facilius commutari potest quàm leonis aut vulpis ingenium. Utque telluris ipsius steriles glebæ, assiduo licet labore cultæ suæ præ naturâ exhorrescunt, ita pueri ignobilioribus principiis oriundi quantumvis probè instituti ad naturalem statim obliuiscuntur. Atque ut è diverso in plantas ager naturâ fecundus, etiam incultus, exuberat: Sic in eo qui ad heroica est natus, etsi prava accesserit educatio, mox cedentibus vitijs, fruges virtutis oriuntur. Ne multa, ut substantia præferatur accidenti: permanens, mutabili: corpus, vmbre: natura educationi præpollat. Ecce quam plurimi adolescentes iisdem traditi magistris, iisdem disciplinis imbuti, naturæ ductu dissimile vitæ sequuntur institutum, tantumque à se dissident, ut alij cuiusque se re ad dixerint cæ præclare fungantur, alij verò iaceant animo angusto præditi, suæque omnes cogitationes in res contemptas & humiles abijciunt: Tantum ad Heroas fingendos natura valet, ut nisi quis eam habuerit propitiâ frustra se in Heroû numerum venturum putet.

*Ergo ad formandum Heroem natura educatione præstantior.*

Proponebat Lutetiæ ISAAC RENAUDOT Iuliodunensis. A. R. S. H. M. DC. XXXIX.

DOMINI DOCTORES DISPUTAVI.

M. Robertus Debonnaire.

M. Marinus Akakia.

M. Durandus Franciscus Yon.

M. Leo le Tourneur.

M. Petrus Constant.

M. Nicolaus Cappon.

M. Helias Beda.

M. Franciscus des François.

M. Ioannes Ducledat.

